

VILLA ET HORTVS

Ecce villa et hortus Iūlii. Iūlius in magnā villā habitat. / Pater et māter et trēs liberī in villā habitant. Iūlius et Aemilia trēs liberōs habent: duōs filiōs et unam filiam — nōn duās filiās.

In villā multī servī habitant. Dominus eōrum est Iūlius: is multōs servōs habet. Ancillae quoque multae in villā habitant. Domina eārum est Aemilia: ea multās ancillās habet.

Iūlius in villā suā habitat cum magnā familiā. Pater et māter habitant cum Mārcō et Quīntō et Iūliā. Iūlius et Aemilia in villā habitant cum liberīs et servīs et ancillīs.

Villa Iūlii in magnō hortō est. In Italiā sunt multae villae cum magnīs hortīs. In hortīs sunt rosae et līlia. Iūlius multās rosās et multa līlia in hortō suō habet. Hortus Iūlii pulcher est, quia in eō sunt multae et pulchrae rosae līliaque.


Aemilia fēmina pulchra est. Syra nōn est fēmina pulchra, neque pulcher est nāsus eius, sed foedus est.



eōrum : servōrum
is : Iūlius
eārum : ancillārum
ea : Aemilia
-ō -ā:
in hortō, in villā
cum Mārcō, cum Iūliā
-īs:
in hortīs, in villīs
cum servīs, cum ancillīs

eō : hortō
pulcher -chra -chrūm:
hortus pulcher (m)
rosa pulchra (f)
līlium pulchrum (n)


eius : Syrae
foedus -a -um ↔ pulcher



1. ōstium
2. ātrium
3. impluvium
4. peristylum
5. cubicula
6. ōstium




ātrium



In villā Iūliī magnum ātrium est cum impluviō. Quid est in impluviō? In eō est aqua. In ātriō nūllae fenestrae sunt.

eō : impluviō

peristylum



etiam = quoque: etiam
peristylum = p. quoque

id : impluvium

iī (= eī) : servi
ea : cubicula

eae : ancillae
eā : Aemiliā
sine ↔ cum

Etiā peristylum magnum et pulchrum in vīllā est. 30
'Peristylum' est vocābulum Graecum. In vīllīs Graecīs
et Rōmānīs magna et pulchra peristyla sunt. Estne im-
pluvium in peristylō? Id nōn in peristylō, sed in ātriō
est. In peristylō parvus hortus est.

In vīllā sunt multa cubicula. Quīntus in cubiculō 35
parvō dormit. Estne magnum cubiculum Mārci? Id
quoque parvum est. Iūlius et Aemilia in cubiculō magnō
dormiunt. Ubi dormiunt servi? Iī quoque in cubiculis
dormiunt. Suntne magna eōrum cubicula? Ea nōn
magna sunt, et multī servi in ūnō cubiculō dormiunt. 40
Etiā ancillae multae in ūnō cubiculō dormiunt, neque
eae magna cubicula habent. —

Aemilia in peristylō est. Estne sōla? Aemilia sōla nōn
est: liberī cum eā in peristylō adsunt. Iūlius abest. Ae-
milia sine virō suō Iūliō in vīllā est. Ubi est Iūlius? In op- 45
pidō Tūsculō est sine Aemiliā, sed cum servīs quattuor.

II Aemilia cum Mārcō, Quīntō Iūliāque in peristylō est. Iūlia rosās pulchrās in hortō videt et ab Aemiliā discēdit. Iam ea cum Aemiliā nōn est. Aemilia eam nōn

50 *videt. Puella in hortō est.*

Aemilia imperat: "Mārce et Quīnte! Iūliam vocāte!"

Mārcus et Quīntus Iūliam vocant: "Iūlia! Venī!" sed Iūlia eōs nōn audit neque venit.

Iūlia puerōs vocat: "Mārce et Quīnte! Venīte! Hīc 55 multae rosae sunt."

Puerī Iūliam audiunt, neque iī ab Aemiliā discēdunt.

Quīntus: "Carpe rosās, Iūlia!"

Iūlia rosās carpit et cum quīnque rosīs ex hortō venit.



Iūlia: "Vidē, māter! Vidēte, puerī! Vidēte rosās 60 meās!" Iūlia laeta est, rosae eam dēlectant.

Aemilia: "Ecce puella pulchra cum rosīs pulchrīs!"

Verba Aemiliae Iūliam dēlectant.

Mārcus: "Rosae pulchrae sunt; puella sine rosīs pulchra nōn est!" Verba Mārcī Iūliam nōn dēlectant!

65 Aemilia (īrāta): "Tacē, puer improbe! Iūlia puella pulchra est — cum rosīs et sine rosīs."

Aemilia
Iūlia
• •

Iūlia cum Aemiliā est

• • →
Iūlia ab Aemiliā discēdit


eōs : puerōs

hortus

Iūlia

•

Iūlia in hortō est



Iūlia ex hortō venit



Iūlia rosās carpit

iīs (= eīs) : puerīs

eās : rosās

iīs : rosīs

eās : ancillās



eōs : puerōs

Iūlia: "Audīte, Mārce et Quīnte!"

Mārcus: "Māter nōn videt nāsum tuum foedum!"

Mārcus et Quīntus rīdent: "Hahahae!"

Iūlia: "Audī, mamma: puerī etiam mē rīdent!"

70

Iūlia plōrat et cum ūnā rosā ab iīs discēdit.

Aemilia: "Tacēte, puerī improbī! Nāsus Iūliae foedus
nōn est. Discēdite ex peristylō! Sūmite cēterās rosās
eāsque in aquā pōnite!"Puerī cēterās quattuor rosās sūmunt et cum iīs discē-
dunt.

75

Aemilia, quae iam sōla est in peristylō, ancillās vocat:
"Dēlia et Syra! Venīte!"Dēlia et Syra ex ātriō veniunt. Aemilia eās interrogat:
"Suntne puerī in ātriō?"

80

Dēlia respondet: "In ātriō sunt."

Aemilia: "Quid agunt Mārcus et Quīntus?"

Dēlia: "Puerī aquam sūmunt ex impluviō..."

Syra: "...et rosās in aquā pōnunt."

Hīc domina et ancillae puerōs audiunt ex ātriō: Quīn-
tus plōrat et Mārcus rīdet.

85

Aemilia: "Quid iam agunt puerī? Age, Dēlia! discēde
et interrogā eōs!" Dēlia ab Aemiliā et Syrā discēdit.

Aemilia Syram interrogat: "Ubi est Dāvus?"

Syra respondet: "In oppidō est cum dominō."

90

Dēlia ex ātriō venit et dominam vocat: "Venī, o do-
mina! Venī!"

Aemilia: "Quid est, Dēlia?"

- Dēlia: "Quīntus est in impluviō!"
 95 Aemilia: "In impluviō? Quid agit puer in impluviō?"
 Dēlia: "Aquam pulsat et tē vocat."
 Aemilia: "Quid agit Mārcus?"
 Dēlia: "Is rīdet, quia Quīntus in aquā est!"
 Aemilia: "Ō, puer improbus est Mārcus! Agite! Iū-
 100 lium vocāte, ancillae!"
 Syra: "Sed dominus in oppidō est."
 Aemilia: "Ō, iam rūrsus abest Iūlius!"
 Dēlia: "Age! Venī, domina, et Mārcum verberā!"
 Quid agit domina? Domina īrāta cum ancillīs ex peri-
 105 stylō discēdit.



GRAMMATICA LATINA

Accūsātīvus

[A] Masculīnum.

- Iūlius nōn ūnum filium, sed duōs filiōs habet
 110 'Filiū' est accūsātīvus singulāris (vidē cap. III). 'Filiōs'
 accūsātīvus plūrālis est. Accūsātīvus: singulāris -um (nōminā-
 tīvus -us), plūrālis -os (nōminātīvus -i).

filium

filiōs

-um -os

[B] Fēminīnum.

- Iūlius nōn duās filiās, sed ūnam filiam habet.
 115 'Filiam' est accūsātīvus singulāris (vidē cap. III). 'Filiās'
 accūsātīvus plūrālis est. Accūsātīvus: singulāris -am (nōminā-
 tīvus -a), plūrālis -ās (nōminātīvus -ae).

filiam

filiās

-am -ās

[C] Neutrūm.

- Villa nōn ūnum cubiculum, sed multa cubicula habet.
 120 'Cubiculum' accūsātīvus singulāris est. 'Cubicula' accūsātī-
 vus plūrālis est. Accūsātīvus: singulāris -um (= nōminātīvus),
 plūrālis -a (= nōminātīvus).

cubiculum

cubicula

-um -a

ablātīvus (abl)	Ablātīvus	
hortō	[A] Masculīnum.	
hortīs	In hortō Iūlii. In hortīs Italiae.	125
-ō -īs	'Hortō' ablātīvus singulāris est. 'Hortīs' ablātīvus plūrālis est. Ablātīvus: singulāris -ō, plūrālis -īs.	
villā	[B] Fēminīnum.	
villīs	In villā Iūlii. In villīs Rōmānīs.	
-ā -īs	'Villā' ablātīvus singulāris est. 'Villīs' ablātīvus plūrālis est.	130
oppidō	Ablātīvus: singulāris -ā, plūrālis -īs.	
oppidīs	[C] Neutrūm.	
-ō -īs	In oppidō Tūsculō. In oppidīs Graecīs.	
in	'Oppidō' ablātīvus singulāris est. 'Oppidīs' est ablātīvus	
ex	plūrālis. Ablātīvus: singulāris -ō, plūrālis -īs.	135
cum		
ab	<i>In, ex, ab, cum, sine</i> cum ablātīvō: <i>in ātriō, in cubiculīs, ex</i>	
sine	<i>hortō, ex Italiā, ab Aemiliā, ab oppidō, cum servō, cum līberīs,</i>	
	<i>sine pecūniā, sine rosīs.</i>	
indicātīvus (ind)	Imperātīvus et indicātīvus	
vocā	"Dāvum vocā, servel!" Servus Dāvum vocat.	140
vocāte	"Iūliam vocāte, puerī!" Puerī Iūliam vocant.	
	'Vocā' est imperātīvus singulāris, 'vocat' indicātīvus singulāris (vidē cap. IV). 'Vocāte' imperātīvus plūrālis est, 'vocant' indicātīvus plūrālis. Imperātīvus: singulāris -, plūrālis -te.	
	Indicātīvus: singulāris -t, plūrālis -nt.	145
	Exempla:	
[1] -ā -at	[1] -ā, -āte; -at, -ant:	
	Salūtā dominum, serve!	Salūtāte dominum, servi!
	Servus dominum salūtat.	Servī dominum salūtant.
[2] -ē -et	[2] -ē, -ēte; -et, -ent:	150
	Tacē, puer! Puer tacet.	Tacēte, puerī! Puerī tacent.
[3] -e -it	[3] -e, -ite; -it, -unt:	
	Discēde, serve!	Discēdite, servi!
	Servus discēdit.	Servī discēdunt.
[4] -ī -it	[4] -ī, -īte; -it, -iunt:	155
	Venī, Iūlia! Iūlia venit.	Venīte, puerī! Puerī veniunt.

PENSVM A

Iūlius et Aemilia in vīll- habit- cum liber- et sery-. Dominus mult- serv- et mult- ancill- habet.

Aemilia in peristyl- est cum Mārc- et Quīnt- et Iūli-. Iūlia mult- ros- in hort- vid- et ab Aemili- discēd-. Iam Aemilia puell- nōn vid-, neque puerī eam vid-. Aemilia: "Mārce et Quīnte! Voc- Iūliam!" Puerī Iūli- voc-: "Iūlia! Ven-!" et Iūlia puer- voc-: "Mārce et Quīnte, ven-!" Iūlia puerōs nōn aud-, sed puerī Iūli- aud-. Iūlia: "Cūr puerī nōn ven-?" Iūlia ex hort- ven- cum v ros- pulchr-. Iūlia: "Vid- ros- meās, māter! Vid-, puerī!" Mārcus: "Rosae pulchrae sunt, puella sine ros- pulchra nōn est!" Iūlia cum ūn- ros- discēd-. Puerī rīd-. Aemilia: "Tac-, puerī! Sūm- ros- et discēd-!" Puerī ros- sūm- et discēd-; in ātri- aqu- sūm- ex impluvi- et ros- in aquā pōn-.

PENSVM B

Iūlius in magnā ——. Aemilia cum — [: Iūliō] habitat. Iūlius Aemiliām —, quia — [: Aemilia] bona et — fēmina est.

Aemilia in peristylō est — liberis suīs, sed — virō suō. Iūlia — Aemiliā discēdit; iam puella in — est. Iūlia rosās — et — hortō venit cum v —. Puella laeta est: rosae eam —.

Ubi est impluvium? — [: impluvium] est in —. In impluviō — est. In ātriō nūllae — sunt.

PENSVM C

Num Iūlius sōlus in vīllā habitat?

Quot filiōs et quot filiās habent Iūlius et Aemilia?

Ubi est impluvium?

Ubi dormiunt servī?

Adestne Iūlius in peristylō cum Aemiliā?

Ubi est Iūlius?

Estne Aemilia sōla in peristylō?

Quid Iūlia agit in hortō?

Cūr puerī Iūliam rīdent?

Vocabula nova:

villa	sōlus
hortus	habit
rosa	amat
līlīum	carpit
nāsus	dēlectat
ōstium	agit
fenestra	etiam
ātrium	cum
impluvium	sine
aqua	ab
peristylum	ex
cubiculum	ea
pulcher	id
foedus	ēō
sōlus	ēā
habitat	īl
amat	eae
carpit	ea
dēlectat	ēōs
agit	ēās
etiam	cōrum
cum	ēārum
sine	īls
ab	ablātīvus